

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი

2019 წლის ___ იანვარი

ქ. თბილისი

ერთი მხრივ, სააგენტო (მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24,) წარმოდგენილი დირექტორის ვახტანგ ლომჯარიას სახით (შემდგომში წოდებული „შემსყიდველად“) და მეორე მხრივ _____ მისამართი: (_____) დირექტორის _____ სახით (შემდგომში წოდებული „მიმწოდებლად“), სსიპ – ცხოველთა მონიტორინგის სააგენტოს მიერ სააგენტოს ბალანსზე რიცხული სატრანსპორტო საშუალებების ტექნიკური მომსახურება/შეკეთების მომსახურების შესყიდვის მიზნით ჩატარებული გამარტივებული ელექტრონული ტენდერის გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთ- ვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი

2.1. წინამდებარე ხელშეკრულების საგანს წარმოადგენს, მიმწოდებლისგან 2.2 პუნქტში მითითებული სააგენტოს ბალანსზე რიცხული სატრანსპორტო საშუალებების, საჭიროების შემთხვევაში, სათანადოგო ნაწილებით უზრუნველყოფის და ტექნიკური შეკეთება/მომსახურების (შემდგომში „მომსახურება“) შესყიდვა, ზემოაღნიშნული სატენდერო წინადადების, სატენდერო დოკუმენტაციის და წინამდებარე ხელშეკრულებით და დანართით გათვალისწინებული პირობების შესაბამისად (CPV50110000 - ავტომობილებისა და მათთან დაკავშირებული მოწყობილობების შეკეთება და ტექნიკური მომსახურება). დანართში (პრეისკურანტი) მოცემულია, მომსახურების ჩამონათვალი, ნაწილის ერთეულის ღირებულება და მომსახურების ერთეულის ღირებულება. დანართი თან ერთვის ხელშეკრულებას და წარმოადგენს მის განუყოფელ ნაწილს.

2.2. ავტოსატრანსპორტო საშუალებები:

№	სატრანსპორტო საშუალების დასახელება	გამოშვების წელი	ძრავის მოცულობა	სახელმწიფო ნომერი	პრეისკურანტის სათანადოგო ნაწილებისა და მომსახურების ღირებულება ფასი (ლარი)
1	FORD Transit	1997	2.5	BQ-015-BQ	15,010.00
2	FORD Transit	1998	2.5	BQ-011-BQ	
3	Bmw X5	2001	3	BQ-010-QB	28,555.90
4	RENAULT Kangoo	2002	1.2	BQ-018-BQ	16,626.10
5	MITSUBISHI Pick UP L 200	2007	2.5	BQ-017-BQ	23,251.22
6	KIA Pikanto	2007	1.1	BQ-019-BQ	17,018.70

7	KIA Rio	2013	1.4	BQ-020-BQ	22,938.76
8	KIA Rio	2013	1.4	BQ-022-BQ	
9	MITSUBISHI Pick UP L 200	2013	2.5	BQ-021-BQ	88,361.86
10	KIA Frontier	2013	2.7	BQ-012-BQ	22,965.50
11	KIA Frontier	2013	2.7	BQ-013-BQ	
12	KIA Frontier	2013	2.7	BQ-014-BQ	
13	FORD Ranger	2013	3.2	BQ-010-BQ	28,554.20
14	Ford Transit Custom 330 L	2014	2,2	CS-271-SC	30,134.50
15	Ford Transit Custom 330 L	2014	2,2	CS-277-SC	
16	FORD Transit	2011	2.2	HH336-JJ	26,738.15
17	FORD Transit	2012	2.2	VF374FV	
18	FORD Transit	2010	2.2	QL-115-LQ	
19	FORD Transit	2010	2.2	QL-018-LQ	
20	FORD Transit connect	2010	1.8	QL-125-LQ	15971.00
ჯამი:					336125.89

2.3. შესყიდვა ხორციელდება სააგენტოსთვის 2019 წლის ადგილობრივი თვითმმართველობის ბიუჯეტიდან გამოყოფილი საბიუჯეტო თანხებით.

3. ხელშეკრულებით გათვალისწინებული ტექნიკური მომსახურების ძირითადი მახასიათებლები

3.1. ავტოსატრანსპორტო საშუალების შეკეთება და ტექნიკური მომსახურება უნდა აკმაყოფილებდეს შემსყიდველის მოთხოვნებს, მომსახურება შესრულებული უნდა იყოს მაღალ დონეზე მაღალკვალიფიციური სპეციალისტების მიერ, თანამედროვე აპარატურითა და დანადგარებით, კერძოდ:

- ა) თვლების შეყრის (დახრილობის) კომპიუტერული დიაგნოსტიკის ამწე (რაზვალი + სხაჟდენია),
 - ბ) საყრდენი დისკის გასაჩარხი აპარატი,
 - გ) ელექტრო სისტემის კომპიუტერული დიაგნოსტიკის აპარატი,
 - დ) წინა მაშუქების რეგულირების აპარატი,
 - ე) ვულკანიზაციის, ბალანსირებისა და დისკების გასწორების აპარატი;
 - ვ) კონდიციონერების სისტემის ფრეონით დატენვის აპარატი;
- მექანიკური სამუშაო;

3.2.. მიმწოდებელს უნდა შეეძლოს სააგენტოს კუთვნილი არანაკლებ 7 (შვიდი) ავტომობილის ერთდროულად დათვალიერება/შეკეთება;

3.3.ავტომობილების მომსახურება უნდა განხორციელდეს ოპერატიულად, რიგგარეშე. მომსახურებისას ვადა თითოეულ შემთხვევაში არ უნდა აღემატებოდეს:

- ა) სავალი ნაწილებისათვის არაუმეტეს 2 კალენდარულ დღეს.
- ბ) ელექტრობისათვის არაუმეტეს 3 კალენდარულ დღეს
- გ) აგრეგატებისათვის არაუმეტეს 5 კალენდარულ დღეს.
- დ) სათუნუქე სამღებრო სამუშაოებისათვის არაუმეტეს 10 კალენდარულ დღეს.
- ე) ზეთის, ზეთის ფილტრის, წინა და უკანა ხუნდების შეცვლა უნდა მოხდეს სერვის-ცენტრში მანქანის მიყვანიდან არაუგვიანეს 1 კალენდარულ დღეს.
- ვ) დეფიციტური სათადარიგო ნაწილებით უზრუნველყოფისას არაუმეტეს 20 კალენდარულ დღეს.

ზ) ა-ვ პუნქტებში აღნიშნული შემთხვევების გარდა, შემსყიდველის მიერ მითითებულ გონივრულ ვადას;

3.4. სატრანსპორტო საშუალებების დათვალიერება/შემოწმება უნდა მოხდეს უფასოდ, შემსყიდველის მოთხოვნის შესაბამისად, პერიოდულად, არანაკლებ თვეში ერთხელ;

3.5. მიმწოდებელი ვალდებულია მომსახურების გაწევისას გამოიყენოს ახალი სათადარიგო ნაწილები,

3.5.1. გამონაკლისის შემთხვევაში, ხელშეკრულებაში შესაბამისი ცვლილების საფუძველზე, დასაშვებია მეორადი. მისი შესყიდვის აუცილებლობისას, ფასი დგინდება მხარეთა შორის შეთანხმებით, საბაზრო ფასის გათვალისწინებით;

3.6. ავტომანქანების შეკეთებისა და მომსახურებისათვის გამოყენებული სათადარიგო ნაწილები უნდა იყოს ახალი, ქარხნული, ხარისხიანი და არ ავლენდეს დეფექტებს, რაზეც მიმწოდებელმა უნდა გაავრცელოს არანაკლებ 6 (ექვსი) თვიანი გარანტია, გარდა ცვეთადი ნაწილებისა, როგორიცაა სამუხრუჭე ხუნდები, ზეთის, ჰაერის, კონდენციონერისა და საწვავის ფილტრები...) მიმწოდებელი პასუხისმგებელია წუნდებული საქონლის გამოცვლაზე შესაბამისი მომსახურებით საკუთარი ხარჯით.

ა) სწრაფად ცვეთად დეტალებზე, კერძოდ: განათების ნათურებზე, დამცველებზე, ანთების საკონტაქტო ერთეულებზე, და ჰაერის ფილტრებზე გარანტია უნდა ვრცელდებოდეს, არანაკლებ 2 (ორი) თვის განმავლობაში;

ბ) ზეთზე, სამუხრუჭე ხუნდებზე, ზეთის და საწვავის ფილტრებზე გარანტია უნდა ვრცელდებოდეს მომსახურების განხორციელებიდან ავტომანქანის მიერ არანაკლებ 8000 (რვაათასი) კილომეტრის გარბენისა, სიჩქარის კოლოფის ზეთზე კი – მინიმუმ 50 000 კმ;

3.7 შემსყიდველი ორგანიზაციის მოთხოვნის შემთხვევაში, მიმწოდებელმა დაუყოვნებლივ უნდა უზრუნველყოს დაზიანებული ავტომობილის გადაყვანა სერვის ცენტრამდე;

3.8. მომსახურება უნდა განხორციელდეს მიმწოდებლისა და შემსყიდველის წარმომადგენლების მიერ თითოეულ კონკრეტულ შემთხვევაში ავტოსატრანსპორტო საშუალებების დათვალიერების აქტის შედგენის საფუძველზე. ავტოსატრანსპორტო საშუალებების ტექმომსახურების შესყიდვისას, გასაწევი მომსახურების დეტალური აღწერა უნდა იყოს აღნიშნული შემსყიდველისა და მიმწოდებლის მიერ შედგენილ დათვალიერების აქტში, მასში ასევე მითითებული უნდა იყოს ტექმომსახურების დაწყების და დასრულების სავალდებულო, ან სასურველი ვადები;

3.9 თუ მომსახურების პროცესში აღმოჩნდება, რომ საჭიროა ისეთი მომსახურების მიწოდება (სერვისი სათადარიგო ნაწილების გათვალისწინებით), რომლის ფასიც განსაზღვრული არ არის დანართით (პრეისკურანტი) ასეთ შემთხვევაში შესაძლებელია შემსყიდველთან წინასწარი შეთანხმების საფუძველზე განხორციელდეს ცვლილება არაუმეტეს პრეისკურანტის ღირებულების 10%-ისა. შეთანხმების საფუძველზე განხორციელებული ავტოტექმომსახურების (სერვისი სათადარიგო ნაწილების გათვალისწინებით) ფასი არ უნდა აღემატებოდეს შესაბამისი მომსახურების (სერვისი სათადარიგო ნაწილების გათვალისწინებით) საბაზრო ფასს;

4. ხელშეკრულების ჯამური ღირებულება

4.1. ხელშეკრულების ჯამური ღირებულება შეადგენს: _____ (_____) ლარს.

4.2. მომსახურების/ნაწილების ერთეულის ფასები მოცემულია პრეისკურანტში. პრეისკურანტის ჯამური ღირებულება შეადგენს _____ (_____) ლარს.

4.2. ხელშეკრულების ჯამური ღირებულება უნდა შეიცავდეს შემსრულებლის მიერ საქართველოს მოქმედი კანონმდებლობით გათვალისწინებულ ყველა გადასახადს.

5. მომსახურების გაწევის მიწოდების წესი და ადგილი

5.1. ხელშეკრულებით გათვალისწინებული ვალდებულების შესრულების ადგილია, ქ. თბილისში მდებარე მიმწოდებლის სერვის-ცენტრ(ებ)ი.

5.2. მომსახურების გაწევა ხდება ეტაპობრივად, ხელშეკრულების გაფორმებიდან 2019 წლის 31 დეკემბრის ჩათვლით, შემსყიდველის მოთხოვნიდან (წერილობითი და/ან სიტყვიერი) წინამდებარე ხელშეკრულების მე-3 მუხლის 3.3. პუნქტით განსაზღვრულ ვადებში.

5.3. მომსახურების გაწევასთან დაკავშირებით მიღება-ჩაბარება დგება წინამდებარე ხელშეკრულების დანართში (პრეისკურანტი) მოცემული პირობების თანახმად, მიმწოდებლის მიერ წარმოდგენილი შესაბამისი დეფექტური აქტის და მოწოდებული მომსახურების/საქონლის საფუძველზე.

5.4. შესყიდვის საგანი (სერვისი სათადარიგო ნაწილების გათვალისწინებით) ჩაითვლება მიღებულად მხარეთა შორის მიღება-ჩაბარების აქტის გაფორმების შემდეგ.

5.5. შემსყიდველის მხრიდან მიღება-ჩაბარების აქტზე ხელმოწერის უფლება ენიჭება სააგენტოს ცხოველთა კონტროლისა და რეგულირების დეპარტამენტის ოპერატიული რეაგირებისა და მონიტორინგის განყოფილების უფროსის მოადგილეს ან/და ამავე განყოფილების უფროსს;

5.6. მიმწოდებელი ვალდებულია შემსყიდველის მოთხოვნის შემთხვევაში საკუთარი ხარჯით, ჩაატაროს ავტოსატრანსპორტო საშუალების დათვალიერება, რის შემდგომაც მხარეები ადგენენ დეფექტურ აქტს, რომელშიც მითითებული უნდა იყოს გასაწევი მომსახურების (სერვისი სათადარიგო ნაწილების გათვალისწინებით) დეტალური აღწერა, მათი ღირებულებები, აგრეთვე მომსახურების დაწყებისა და დასრულების ვადები. თუ აღმოჩნდება რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით.

6. მხარეთა ვალდებულებები

6.1. მიმწოდებელი ვალდებულია გაუწიოს შემსყიდველს ამ ხელშეკრულების მე-2 მუხლში მითითებული უნაკლო მომსახურება.

6.2. თუკი ხელშეკრულების მე-2 მუხლით გათვალისწინებული მომსახურება არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი.

- 6.3. მიმწოდებელი უფლებამოსილია მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 6.4. შემსყიდველი ვალდებულია მომსახურების სრულყოფილად გაწევის შემდეგ გადაიხადოს მისი ფასი ამ ხელშეკრულებით გათვალისწინებული პირობებით;
- 6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7. ანგარიშსწორების ფორმა და წესი

- 7.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.
- 7.2. ანგარიშსწორება მოხდება ფაქტიურად გაწეული მომსახურების მიხედვით, მხარეთა მიერ მიღება-ჩაბარების აქტზე ხელმოწერისა და მიმწოდებლის მიერ შესაბამისი დოკუმენტაციის (საგადასახადო ანგარიშფაქტურა და არსებობის შემთხვევაში სასაქონლო ზედნადები) წარმოდგენიდან 10 (ათი) სამუშაო დღის განმავლობაში;

8. ხელშეკრულების ინსპექტირება

- 8.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
- 8.2. ამ მუხლის პირველი პუნქტით გათვალისწინებული კონტროლისა და ზედამხედველობის განმახორციელებელი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.
- 8.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

9. შესყიდვის საგნის მიღება-ჩაბარების წესი

- 9.1. შესყიდვის საგანი ჩაითვლება მიღებულად მას შემდეგ, რაც შემსყიდველის მიერ გამოყოფილი პირ(ებ)ი ხელმოწერით დაადასტურებენ მის მიღებას.
- 9.2. ამ მუხლის პირველი პუნქტით გათვალისწინებული მიღება-ჩაბარების აქტზე ხელმოწერი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

10. ხელშეკრულების შეწყვეტა

- 10.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება მომსახურების ხელშეკრულებით გათვალისწინებული ხარისხის მნიშვნელოვან ან დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
- 10.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:
- ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად ან ნაწილობრივ მიწოდება;
 - ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
 - გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - დ) მიმწოდებლის მიმართ დაიწყო გაკოტრების საქმის წარმოება;
 - ე) საქართველოს კანონმდებლობით გათვალისწინებულ სხვა შემთხვევებში.

11. მხარეთა პასუხისმგებლობა

- 11.1. მხარეების მიერ ხელშეკრულებით გათვალისწინებული ვალდებულებების შეუსრულებლობა ან არაჯეროვანი შესრულება გამოიწვევს პასუხისმგებლობას საქართველოს კანონმდებლობის შესაბამისად.
- 11.2. ფორსმაჟორული გარემოებების გარდა თუ ხელშეკრულების რომელიმე მხარე დაარღვევს წინამდებარე ხელშეკრულებით გათვალისწინებულ ვალდებულებას, მეორე მხარეს უფლება აქვს მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

11.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელის მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

11.4. მიმწოდებლის მხრიდან ხელშეკრულებიდან გასვლის, ხელშეკრულებით ნაკისრი ვალდებულების შეუსრულებლობის ან/და არაჯეროვანი შესრულების გამო, შემსყიდველი უფლებამოსილია, დააკისროს მიმწოდებელს პირგასამტეხლოს გადახდა ხელშეკრულების ღირებულების 10%-ის ოდენობით.

11.5. რომელიმე მხარის მიერ, წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია, გადაიხადოს პირგასამტეხლო შეუსრულებელი ვალდებულების 0,1%-ის ოდენობით, ყოველ ვადაგადაცილებულ დღეზე.

11.6. საჯარიმო სანქციით დაკისრებული თანხა გადახდილ უნდა იქნას მხარისთვის (მიმწოდებელი) აღნიშნულის თაობაზე გადაწყვეტილების (წერილი პირგასამტეხლოს დაკისრების თაობაზე) გაცნობიდან არაუგვიანეს 1 (ერთი) თვისა, ვადაგადაცილებასთან დაკავშირებული პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

11.7. იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადაჭარბებს ხელშეკრულების ღირებულების 3%-ს, შემსყიდველს ან/და მიმწოდებელს უფლება აქვს ცალმხრივად შეწყვიტონ წინამდებარე ხელშეკრულება;

12. ფორს-მაჟორი

12.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულე- ბლობა გამოწვეულია ფორს-მაჟორული გარემოებებით.

12.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახ- ურების მიწოდებაზე ემბარგოს დაწესება, სახელწიფო გადატრიალება და სხვ.).

12.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვი-საც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გა- უგზავნოს მეორე მხარეს წერილობითი შეტყობინება ასეთი გარემოებების და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულები- სამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებ- ულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერ- ხები, რომლებიც დამოუკიდებელი იქნებიან ფორს-მაჟორული გარემოებებისაგან.

13. ხელშეკრულებაში ცვლილებების შეტანის და შეწყვეტის წესი

13.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილ-ობითი ფორმით, მხარეთა შეთანხმების საფუძველზე.

13.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შე-დეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყი- დველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევე-ბ- ისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგ-ომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირე- ბულების 10%-ზე მეტი ოდენობით.

13.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემ-თხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტ- ის შესახებ.

13.5. ხელშეკრულების 13.4 პუნქტით გათვალისწინებულ შემთხვევაში ინიციატორი მხარე ვალდებ-ულია გადაწყვეტილების მიღების განზრახვის შესახებ არანაკლებ 10 სამუშაო დღით ადრე

წერილობით აც- ნობოს ამის შესახებ მეორე მხარეს.

14.. ხელშეკრულების მოქმედების ვადები

14.1. ხელშეკრულება ძალაში შედის ხელმოწერის მომენტიდან და მოქმედებს 2020 წლის 31 იანვრის ჩათვლით.

15. დავების გადაჭრის წესი

15.1. ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

16. დასკვნითი დებულებები

16.1. ხელშეკრულება შედგენილია სამი თანაბარი იურიდიული ძალის მქონე ეგზემპლარად (ორი რჩება შემსყიდველს, ერთი – შემსრულებელს).

მხარეთა რეკვიზიტები: